

Broj: 0101-3935/20  
Sarajevo, 3. april 2020. godine

Na osnovu Ugovora broj 0101-4332/19 od 8. 5. 2019. godine o finansiranju/sufinansiranju projekata iz oblasti nauke od značaja za Federaciju Bosne i Hercegovine, zaključenog između Federalnog ministarstva obrazovanja i nauke i Univerziteta u Sarajevu, a u skladu sa Odlukom broj 01-5-112/20, sa 7. elektronske sjednice Senata Univerziteta u Sarajevu, održane 25. 3. 2020. godine, Univerzitet u Sarajevu raspisuje

### **INTERNI POZIV**

za dostavljanje prijava za raspodjelu sredstava Federalnog ministarstva obrazovanja i nauke za finansiranje/sufinansiranje projekata iz oblasti nauke od značaja za Federaciju Bosne i Hercegovine iz budžeta za 2019. godinu

U skladu sa Ugovorom između Univerziteta u Sarajevu i Federalnog ministarstva obrazovanja i nauke (FMON) o (su)finansiranju projekata iz oblasti nauke od značaja za Federaciju Bosne i Hercegovine u 2019. godini, sredstva u ukupnom iznosu od 343.292,00 KM bit će dodijeljena za (su)finansiranje programa i projekata iz 2019. godine u cilju jačanja infrastrukturnih kapaciteta Univerziteta u Sarajevu za naučnoistraživački/umjetničkoistraživački rad i to po programu kako slijedi:

### **UREĐENJE PROSTORA I NABAVKA PRIORITETNE OPREME ZA NI/UI RAD**

#### Kriteriji za dodjelu sredstava:

- Trenutno stanje i starost opreme i/ili objekta/prostora.
- Neophodnost nabavke opreme i/ili rekonstrukcije prostora za rad institucije i permanentnu edukaciju naučnih kadrova.
- Neophodnost zahvata na uređenju prostora i njegovom prilagođavanju potrebama instaliranja i stavljanja u funkciju naučnoistraživačke opreme, odnosno obavljanja naučnoistraživačkog/umjetničkoistraživačkog rada.
- Značaj opreme/prostora za recentna istraživanja.
- Značaj opreme/prostora za istraživanja u saradnji sa privredom.
- Broj potencijalnih korisnika opreme/prostora.

#### Obavezna dokumentacija za prijavu:

- formular za prijavu ovjeren potpisom dekana fakulteta/akademije, odnosno direktora instituta (OJ dostavljaju skeniran formular elektronskim putem);
- obrazložen projekat, uključujući vremenski i finansijski plan;
- dokazi o visini troškova projekta (maksimalan iznos traženih sredstava po projektu je 10.500,00 KM).

---

**Napomene:**

- **Jedna organizaciona jedinica može prijaviti samo jedan projekat.**
  - **Iznos traženih sredstva po projektu ne može prelaziti 10.500,00 KM.**
  - **Pod dokazima o visini troškova podrazumijevaju se kopije računa iz 2019. ili 2020. godine, te predračuni iz 2020. godine po kojima će biti vršeno plaćanje.**
  - **Neblagovremene i nepotpune prijave neće biti razmatrane.**
- 

O raspodjeli sredstava po ovom Internom pozivu će odlučiti Komisija imenovana od Senata Univerziteta.

Interni poziv ostaje otvoren 60 dana od dana objavljivanja, do 3. juna 2020. godine.

Prijave je potrebno dostaviti elektronskim putem na adresu: [nir@unsa.ba](mailto:nir@unsa.ba).

**NAPOMENA: dokumentaciju za prijavu potrebno je prema Rektoratu elektronskim putem dostaviti sa zvanične e-mail adrese prodekana, dekana/direktora ili dekanata organizacione jedinice.**